

اتوار 17 اگست، 2025

مضمون۔ جند

سنہری متن: زبور 96:9 آیت

”پاک آرائش دے نال رب نوں سجدہ کرو۔“

جوابی پڑھائی: زبور 96:2 توں 4، 6، 8، 10 آیتاں

زبور 8:9 آیت

- 2۔ خداوند دے سامنے گاؤ۔ اوہ دے نال نوں دھن آکھو۔ ہر روز اوہدی مکتی دا پرچار کرو۔
- 3۔ قوماں وچ اوہدے جلال داتے سارے لوکاں وچ اوہدے عجیب کماں دا بیان کرو۔
- 4۔ کیوں جے خداوند بزرگ تے بوہت وڈیائی دے لائق اے۔ اوہ سارے معبوداں وچوں بوہتا عزت دے لائق اے۔
- 6۔ عظمت تے جلال اوہدے حضور وچ نیں۔ قدرت تے جلال اوہدے مقدس نیں۔
- 8۔ خداوند دی اجیہی وڈیائی کرو جیہڑی اوہدے نال دے قابل اے۔
- 10۔ قوماں وچ پرچار کرو پئی خداوند سلطنت کردا اے۔ جہان قائم نیں تے اوہنوں کوئی جنبش نیں۔ اوہ راستی نال قوماں دی عدالت کرے گا۔

9۔ اے خداوند ساڈے رب! تیرا ناں ساری دھرتی اُتے کیسا بزرگ اے!

درسی وعظ

بائبل وچوں

1۔ یسعیاہ 61 باب 10، 11 آیت

10۔ میں خداوند توں بوہت شادمان واں۔ میری جند خداوند وچ خوش ہووے گی کیوں جے اوہنے مینوں مکتی دے کپڑے پوائے۔ اوہنے مینوں راستبازی دے خلعت نال ملبس کیتا جیویں لاڑھا سہرے نال اپنے آپ نوں سجاؤندا اے تے ووہٹی اپنے زیوراں نال اپنا شنگھار کردی اے۔

11۔ کیوں جے جیویں دھرتی اپنے بوٹیاں نوں پیدا کردی اے جیویں باغ اوہناں شیواں نوں جیہڑیاں اوہدے وچ بویاں ہوئیاں نیں اگاؤندا اے ایسے طراں خداوند رب سچیاں تے ستائش نوں ساریاں قوماں دے سامنے ظہور وچ لیاوے گا۔

2۔ دانی ایل 4 باب 1 توں 3، 28 توں 31، 33، 34، 36، 37 آیتاں

1۔ نبوکدنضر بادشاہ ولوں سارے لوکاں اُمتاں تے بولیاں والیاں لئی جیہڑے پوری دھرتی اُتے رہندے نیں تہانوں سلامتی نصیب ہووے۔

2- میں مناسب سمجھیا پئی اوہناں نشاناں تے عجیب کماں نوں ظاہر کراں جیہڑے رب تعالیٰ نے میرے اُتے ظاہر کیتے نیں۔

3- اوہدے نشان کیسے عجیب تے اوہدے عجیب کم کیسے مہیب نیں! اوہدی مملکت ہمیشہ دی مملکت اے تے اوہدی سلطنت پیڑی توں پیڑی تیکر اے۔

28- ایہہ سب کجھ نبوکد نصر بادشاہ نال ہوئیا۔

29- اک سال بعد اوہ بابل دے شاہی محل وچ ٹہل رہیاسی۔

30- بادشاہ نے آکھیا پئی ایہہ بابل اعظم نئیں جنہوں میں اپنی طاقت دی قدرت نال بنایا اے پئی دارالسلطنت تے میرے جاہ و جلال دا نمونہ ہووے؟

31- بادشاہ ایہہ آکھ ای رہیاسی پئی اسمان توں آواز آئی اے نبوکد نصر بادشاہ تیرے بارے وچ ایہہ فتویٰ اے پئی سلطنت تیتھوں جاندی رہی۔

33- اوہ ویلے نبوکد نصر بادشاہ اُتے ایہہ گل پوری ہوئی تے اوہ بندیاں وچوں کڈھ دتا گیا تے اوہ مجاں وانگر گاہ کھاندا رہیا تے اوہ ابدن اسمان دی تریل نال تر ہوئیا ایتھے تیکر پئی اوہدے وال عقاب دے پراں وانگر تے اوہدے نوں پرندیاں دے چُنگل وانگر ودھ گئے۔

34- تے ایہناں دیہاڑیاں دے لنگن توں بعد میں نبوکد نصر نے اسمان ول اکھیاں چُکیاں تے میری سیان میرے وچ فیر آئی تے میں حق تعالیٰ دا شکر کیتا تے اس جی القیوم دی وڈیائی کیتی جیدی سلطنت ہمیشہ دی تے جیدی مملکت پیڑی توں پیڑی تیکر اے۔

36- اوہ ویلے میری سیان میرے وچ آئی تے میری سلطنت دی شوکت لئی میرا رعب تے دبدبہ فیر بحال ہو گیا تے میرے مشیراں تے امیراں نے مینوں فیر لبھیا تے میں اپنی مملکت وچ قائم ہوئیا تے میری عظمت وچ وادھا ہوئیا۔

37- ہن میں نبوکد نصر اسمان دے بادشاہ دی وڈیائی تے عزت احترام کرداواں کیوں جے اوہ اپنے کماں وچ نیک اے۔

3- یرمیاہ 9 باب 23، 24 آیتاں

23- خداوند اناج آکھدا اے پئی نہ صاحبِ حکمت اپنی حکمت اُتے تے ناں قوی اپنی طاقت اُتے تے نہ مال دار اپنے مال اُتے آکڑے۔

24- پر جیہڑا آکڑدا اے اوہ ایس گل اُتے آکڑے پئی اوہ سمجھدا تے مینوں جان دا اے پئی میں ای خداوند آں جیہڑا جگ وچ شفقت تے عدل تے راستبازی نوں عمل وچ لیاؤنا واں کیوں جے میری خوشی ایہناں گلاں وچ ای اے خداوند آکھدا اے۔

4- لوقا 14 باب 3 (توں دو جی) آیت

3- یسوع نے شرع دے عالماں تے فریسیاں نوں آکھیا،

5- لوقا 15 باب 4 توں 6، 10 آیتاں

4- تہاڈے وچوں کون اجیہا بندہ اے جیدے کول سو بھید اں ہووون تے اوہناں وچوں اک گواچ جاوے تے ننانویاں نوں بیابان وچ چھڈ کے اوس گواچی ہوئی نوں جدوں تیکر اوہ مل نہ جاوے لبھدا نہ رہو وے؟

5- فیر جد مل جاندی اے تے خوش ہو کے اوہنوں موڈھیاں اُتے چک لیندا اے۔

6۔ تے گھر آ کے یاراں تے گوانڈیاں نوں بلاؤندا اے تے آکھدا اے میرے نال خوشی کرو کیوں جے میری گواچی ہوئی بھید مل گئی اے۔

10۔ میں تہانوں آکھدا اوں پئی اک توبہ کرن والے پاپی دے پاروں رب دیاں فرشتیاں دے سامنے خوشی ہندی اے۔

6۔ یعقوب 1 باب 19 توں 21 آیتاں

19۔ اے میرے پیارے بھراؤ! ایہہ گل تہانوں پتا اے۔ ایس لئی ہر بندہ سنن وچ تیز تے بولن وچ ہولاتے غصے دا دھیمہا ہووے۔

20۔ کیوں جے انسان دا غصہ رب دی راستبازی دا کم نہیں کردا۔

21۔ ایس لئی سارا گند تے بدی دا فضلہ دور کر کے اوس کلام نوں حلیمی نال من لوو جیہڑا دل وچ بویا گیا تے تہاڈیاں روحواں نوں مکتی دے سکدا اے۔

7۔ 2 پطرس 1 باب 2 توں 8 آیتاں

2۔ رب تے ساڈے خداوند یسوع دی پچھان دے پاروں فضل تے اطمینان تہانوں بوہتا ہندوار ہووے۔

3۔ کیوں جے اوہدی الہی قدرت نے اوہ ساریاں شیواں جیہڑیاں حیاتی تے دینداری نال تعلق رکھدیاں نیں ساہنوں اوہدی پچھان دے راہیں دیتیاں نیں جنہے ساہنوں اپنے خاص جلال تے نیکی دے راہیں بلایا۔

4۔ جنہاں دے پاروں اوہنے ساڈے نال بوہت قیمتی تے بڑے وڈھے وعدے کیتے تاں جو اوہناں دے راہیں تسی اوس خرابی توں بچ کے جیہڑی جگ وچ وڈھی خواہش دے پاروں اے الہی ذات وچ شریک ہو جاوے۔

5۔ ایس لئی ایسے پاروں تسی اپنے ولوں کمال کوشش کر کے اپنے ایمان اُتے نیکی تے نیکی اُتے معرفت۔

6۔ تے معرفت اُتے پرہیزگاری تے پرہیزگاری اُتے صبر تے صبر اُتے دینداری۔

7۔ تے دینداری اُتے بھرا بندی تے بھرا بندی اُتے پیار و دھاو۔

8۔ کیوں جے جے ایہہ گلاں تہاڈے وچ موجود ہوں تے ودھ دیاں وی جان تے تہانوں ساڈے خداوند یسوع مسیح نوں پچھانن وچ بے کار تے بے پھل نہ ہوں دین۔

8۔ 1 پطرس 2 باب 25 آیت

25۔ کیوں جے پہلاں تسی بھید اں وانگر بھٹکدے پھر دے سی پرہن اپنیاں روحاں دے گلہ بان تے نگہبان دے کول فیر آگئے او۔

سائنس تے صحت

1۔ 26:477 بس

انسان جند دا اظہار اے۔

2- 14:310 (سائنس) 18، 31-2

سائنس جندوں رب دے طور تے، پاپ تے موت توں مبرا، حیاتی تے ذہانت دے طور تے ظاہر کردی اے جیدے
آلے دوالے ہم آہنگی دے نال سیان دے نظام وچ ساریاں شیواں گردش کردیاں نیں۔

جند بدلدی نیں۔

جند وچ نہ نشوونما، بلوغت اے نہ زوال اے۔ ایہہ تبدیلیاں مادی فہم دے تغیرات، فانی عقیدے دے بدلے
ہوئے بدل نیں جیہڑے ہستی دی سچائی نوں لکولیندے نیں۔

3- 258:11-15، 19-24

انسان ابدیت دا پرچھانواں اے، تے ایہہ پرچھانواں رب دا اصلی خیال اے۔

ایہدی وسعت تے حدوں باہر بنیاداں توں اُچی پرواز نوں ودھاؤندیاں ہوئے رب انسان وچ لا محدود خیال نوں ظاہر
کردا اے۔

لامحدود اصول داپر چھانواں لامحدود خیال تے روحانی انفرادیت دے راہیں بنایا جاندا اے، پر اوہ مادہ جیہڑا نام نہاد حواس وچ اے اوہناں نوں اصل یا ایہدے خیال دابالکل پتانئیں اے۔ انسان دیاں قابلیتیاں ایس تناسب نال ودھائیاں یا کامل کیتیاں جان دیاں نیں جیدے نال انسان رب تے بارے اصلی نظریہ حاصل کردا اے۔

4- 10-1:167

کیہ ساہنوں اک بدنی رب توں اوہدی اپنی مرضی نال بیماراں نوں شفا دین دی منت کرنی چاہیدی اے، یا ساہنوں اوس لامحدود الہی اصول نوں سمجھنا چاہیدا اے جیہڑا شفا دیندا اے؟ جے اسی انھے بھروسے توں اُتے نئیں اُٹھدے تے شفا دی سائنس حاصل نئیں ہندی، تے فہم دی وجودیت دی تھانویں جند دی وجودیت سمجھ وچ نئیں آؤندی۔ اسی الہی سائنس وچ صرف تدحیاتی پانے آں جد اسی بدنی فہم توں اُچی حیاتی گزار دے آں تے اوہنوں ٹھیک کر دے آں۔ نیکی یابدی دے دعویاں لئی ساڈا متناسب اعتراف ساڈی وجودیت دی ہم آہنگی، ساڈی صحت، ساڈی لمی عمر تے ساڈی مسیحیت دا تعین کردا اے۔

5- 32-19:323

جدوں بیمار یا پاپی اپنی لوڑ دی اوس شے لئی اپنے آپ نوں جاگیا ہو یا محسوس کر دے نیں جیہڑی اوہناں دے کول نئیں ہندی، تے اوہ الہی سائنس نوں منن والے ہون گے، جیہڑی روح ول کشش رکھدی اے تے مادی سیان توں دور ہندی جاندی اے، بدن وچوں خیالاں نوں مکا دیندی اے، تے فانی سیان نوں بیماری یا پاپ دی نسبت کسے چنگی شے دی فکر لئی اُچا کر دی اے۔ رب دا اصلی خیال حیاتی تے پیار دی اصلی سمجھ دیندا اے، جت دی قبر نوں لے لیندا اے، سارے پاپاں تے ایس دھوکے نوں دور کر دیندا اے پئی ایہتھے ہو رسیاناں وی موجود نیں تے ایہہ فانیت نوں نیست کردا اے۔

کر سچن سائنس دے اثر ایہنے ویکھے ننیں جاندے جنسے محسوس کیتے جاندے نیں۔ ایہہ سچیاں دی ”دبی ہوئی ہوئی
آواز“ اے جیہڑی اپنے آپ نال گل کر دی اے۔ یاتے اسی ایس آواز توں دور نس رہے آں یا اسی ایہہ سن رہے آں
تے اچے ہو رہے آں۔

6- 11-29:60

جند وچ لا محدود وسائل نیں جنہاں توں انسان نوں برکت دینی ہندی اے تے خوشی ہو ر آسانی نال حاصل کیتی
جاؤندی اے تے ساڈے قبضہ وچ ہو ر محفوظ رہوے گی، جے جند وچ تلاش کیتی جاوے گی۔ صرف بلند لطف ای لا
فانی انسان دے نقوشاں نوں تسلی بخش بناسکدے نیں۔ اسی ذاتی فہم دیاں حداں وچ خوشی نوں محدود نہیں کر
سکدے۔ حواس کوئی اصلی لطف عطا نہیں کردے۔

انسانی ہمدردیاں وچ چنگیائی نوں بریائی اُتے تے جانور اُتے روحانی نوں غلبہ پاؤنا چاہیدا اے ننیں تے خوشی کدی فتح مند
نہیں ہووے گی۔ اوس آسانی حالت دا حصول ساڈی پیڑی نوں ترقی دیوے گا، جرم نوں تلف کرے گا تے امنگ نوں
اُچے مقصد عنایت کرے گا۔ پاپ دی ہر وادی داسر اُچا کرنا چاہیدا اے تے خود غرضی دا ہر پہاڑ نیواں کرنا چاہیدا
اے، تاں جوں سائنس وچ ساڈے رب دی راہ ہموار کیتی جاسکے۔

7- 13-7:311 (توں دو جا)، 22-25

جند لافانی اے کیوں جے ایہہ روح اے، جیدے وچ اپنی آپ دی تباہی دا کوئی عنصر نہیں پایا جاندا۔ کیہ انسان روحانی طور تے گواچ گیا اے؟ نہیں، اوہ بس اک مادی حس نوں گواسکدا اے۔ سارا پاپ بدنی اے۔ ایہہ روحانی نہیں ہو سکدا۔ پاپ ایہتھے یا ایہدے بعد ایہنے عرصے تیکر بس اوہدوں ای وجود رکھ سکدا اے جد سیان دا بھرم مادے وچ موجود رہندا اے۔ جیہڑا گواچ گیا اے اوہ پاپ دا فہم ای ہندا اے نہ کہ پاپ آلود روح ہندی اے۔ بدی چنگیائی دے فہم دے راہیں تباہ کیتی جاندی اے۔

جد انسانیت ایس سائنس نوں سمجھدی اے، تے ایہہ انسان لئی حیاتی دا قانون بن جاوے گی، ایہتھے تیکر پئی جند اُچا قانون، جیہڑا ہم آہنگی تے لافانیت دے راہیں مادی فہم اُتے غالب آؤندا اے۔

8- 26-22، 10-7:215

جند تے مادہ اپنیاں مخالف فطرتاں دی لوڑ توں وکھرے ہندے نیں۔ بشر وجودیت دی اصلیت توں ناواقف نیں، کیوں جے مادہ تے فایت روح دیاں اصلیتاں دی عکاسی نہیں کردے۔

ایس لئی ثبوت دے نال، سائنس مادی فہم دے ثبوت نوں اکتا دیندی اے۔ فانیت دی ہر خوبی تے شرط لافانیت وچ گواچ جاندی، ہڑپ کر لئی جاندی اے۔ فانی انسان اپنی اصلیت وچ، وجودیت وچ، تے رب دے نال اپنے تعلق وچ لافانی انسان دا مخالف اے۔

9- 19-14:124

سنسار نوں، انسان وانگر، ایہدے الٰہی اصول، رب، ولوں سائنس دے راہیں واضح کیتا جانا چاہیدا اے، تے فیر ایہنوں سمجھیا جاسکدا اے، پر جدوں ایہنوں بدنی حساں دی نیوں اُتے واضح کیتا جاند اے تے بڑھوتری، بالغی تے زوال دے میٹھاں ہندییاں ہوئے پیش کیتا جاند اے، تے سنسار، انسان وانگر، اک معمہ بن جاند اے تے ایہنوں جاری رکھنا چاہیدا اے۔

10- 20-2:125

انسانی بدن وچ نامیاتی تے باضابطہ صحت لئی جنہوں ہن چنگی حالت سمجھیا جاوندا اے شاید اوہ صحت لئی ہو ضروری نہ رہوے۔ اخلاقی حالتاں ہمیشہ صحت افزاء تے ہم آہنگ پائیاں جاوندیاں نیں۔ نہ نامیاتی غیر فعالی نہ فعالی رب دے اختیار توں باہر اے؛ تے بدلے ہوئے فانی خیال لئی انسان فطری تے قدرتی پایا جاوے گا، تے ایسے لئی اوہ اپنی حالت توں بوہتا اپنے اظہار وچ ہم آہنگ ہووے گا اوہ حالت جیہڑی انسانی عقیدے نے بنائی تے اوہی منظوری دتی۔

کیوں جے انسانی سوچ شعوری پیڑتے بے آرامی، خوشی تے غمی، ڈرتوں آس تے ایمان توں فہم دے اک مرحلے توں دو جے وچ بدل دی ریندی اے، ایس لئی ظاہری اظہار آخر کار انسان اُتے جان دی حکمرانی ہووے گا نہ پئی مادی فہم دی حکمرانی ہووے گا۔ رب دی حکمرانی دی عکاسی کردیاں ہوئیاں، انسان اپنے آپ تے حکمران اے۔ صحت دے بارے ساڈے مادی نظریاں نوں بے قیمت ثابت کردیاں ہوئے جدوں انسان الٰہی روح دے ہو جاند اے تے موت یا پاپ دے اختیار وچ نیں ہو سکدا۔

11- 16-5:210

مسیحت داصول تے ثبوت روحانی فہم دے پاروں سمجھے جانے نیں۔ ایہناں نوں یسوع دے اظہار دے سامنے رکھیا جاندا اے، اوہدے بیمار نوں شفا دین، بدروحواں نوں کڈھن تے اوہ موت یعنی جیہڑا ”سب توں پچھلا ویری اے جنہوں برباد کیتا جاوے گا“، ایہنوں برباد کرن دے پاروں مادے تے ایہدے نام نہاد قانوناں لئی اوہدی لا پرواہی دکھاؤندے نیں۔

ایہہ جان دیاں ہوئے پئی جند تے اوہدیاں خصلتاں ہمیشہ لئی انسان دے راہیں ظاہر کیتیاں جان دیاں رہیاں نیں، مالک نے بیمار نوں شفا دتی، انھنے نوں اکھیاں دتیاں، بولے نوں کن دتے، لنگڑے نوں پیر دتے، ایہ اوہ انسانی خیالاں تے بدنام اُتے الہی سیان دے سائنسی عمل نوں لووچ لیا یا تے اوہناں نوں جند تے مکتی دی چنگی سمجھ دتی۔

12- 4:120 (جند)-6

جندیاروح رب اے؛ نہ بدلن والا تے ابدی؛ تے انسان جند، رب دے نال وجودیت رکھدا تے اوہدی عکاسی کردا اے، کیوں جے انسان رب دی شبیہ اے۔

روزانہ دے فرض

میری بیکریڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”میری بادشاہی آوے؛“ الہی سچیاں، حیاتی تے پیاردی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیارنوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپنوں رد کردیاں ہوئے، سچی پراہ بندی، خیرات پسندی تے معافی نال پیاردیاں مٹھیاں سچیاں داپر چھانواں بن دا اے۔ ایس چرچ دے سارے رکن اں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔